

四庫全書

子部

欽定四庫全書

子部
喻林卷四十六
七

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣朱烜

謄錄監生臣曹錫爵

欽定四庫全書

喻林卷四十六

明 徐元太 撰

人事門 四十四

全生

夫崑峯積玉光澤者前毀瑤山叢桂芳茂者先折是以
東都有挂冕之臣南國見捐情之士斯豈惡梁錦好蔬
布哉蓋欲保其七尺終其百年耳

北齊書文苑
祖鴻勳傳

莊子行於山中見大木枝葉盛茂伐木者止其旁而不

取也問其故曰無所可用莊子曰此木以不材得終其
天年夫子出於山舍於故人家故人喜命豎子殺鴈
而烹之豎子請曰其一能鳴其一不能鳴請奚殺主人
曰殺不能鳴者明日弟子問於莊子曰昨日山中之木
以不材得終其天年今主人之鴈以不材死先生將何
處莊子笑曰周將處夫材與不材之間材與不材之間
似之而非也故未免乎累若夫乘道德而浮遊則不然
無譽無訾一龍一蛇與時俱化而無肯專為

莊子
山木

南伯子綦遊乎商之丘見大木焉有異結駟千乘隱將
芘其所賴子綦曰此何木也哉此必有異材夫抑而視
其細枝則奉曲而不可以為棟梁俯而視其大根則軸
解而不可以為棺槨咕其葉則口爛而為傷嗅之則使
人狂醒三日而不已子綦曰此果不材之木也以至於
此其大也嗟乎神人以此不材莊子人
間世

匠石之齊至乎曲轅見櫟社樹其大蔽牛絜之百圍其
高臨山十仞而後有枝其可以為舟者旁十數觀者如

市匠伯不顧遂行不輟弟子厭觀之走及匠石曰自吾
執斧斤以隨夫子未嘗見材如此其美也先生不肯視
行不輟何邪曰已矣勿言之矣散木也以為舟則沈以
為棺槨則速腐以為器則速毀以為門戶則液槁以為
柱則蠹是不材之木也無所可用故能若是之壽匠石
歸櫟社見夢曰女將惡乎比予哉若將比予於文木邪
夫柎梨橘柚果蓏之屬實熟則剝則辱大枝折小枝泄
此以其能苦其生者也故不終其天年而中道夭自培

擊於世俗者也物莫不若是且予求無所可用久矣幾
死乃今得之為予大用使予也而有用且得有此大也
邪且也若與予也皆物也柰何哉其相物也而幾死之
散人又惡知散木匠石覺而診其夢弟子曰趣取無用
則為社何耶曰密若無言彼亦直寄焉以為不知已者

詬厲也不為社者且幾有翦乎

莊子人
間世

三虱相與訟一虱過之曰訟者奚說三虱曰爭肥饒之
地一虱曰若亦不患臘之至而茅之燥耳若又奚患於

是乃相與聚噉其母而食之羸腥人乃弗殺

韓非子
說林

百姓愛之如父母神明佑之若赤子故身常存

河上公
註老子

光緒

的的者獲提提者射故大白若辱大德若不足

淮南子
說林訓

夫郊祭之牛食養暮年衣之文繡以入廟堂太宰執其
鸞刀以啟其毛方此之時願任重而止峻坂不可得也

鹽鐵論
毀學

夫君子愛口孔雀愛羽虎豹愛爪此皆所以治身法也

說苑
雜言

榕樹南海桂林多植之葉如木麻實如冬青樹榦奉曲
是不可以為器也其本稜理而深是不可以為材也燒
之無焰是不可以為薪也以其不材故能久而無傷其

蔭十畝故人以為息馬

南方草木狀

孰與銜轡而伏櫪同被繡於犧牛哉

抱朴子外篇嘉遯

夫內熱者之飲毒藥非不害也疽瘰用砭石非不痛也
然而為之者以小痛來而大痛滅小害至巨害除也饑

而倍食渴而大飲熱而投水寒而投火雖暫怡性必為

後患

劉子利害

夫係蹄在足則猛虎絕其蹠蝮蛇在手則壯士斷其節

何則以其所全者重所棄者輕

文選陳琳檄吳將校文

虬以深潛而保真鴻以高飛而遠害

文選謝靈運登池上樓詩註

抱壁塗乞無為貴寶履仁邁禍無為貴道

廣文選曹子建矯志詩

鵠雛翔穹冥蒲且不能視鸛鷺遵臯渚數為矰所繫

類聚人部
隱逸上詩

夫以擁腫之木得免因於不才殼觫之牛自保由於無

用

藝文類聚人部別下書

爾聞蜚廉氏之說乎昔蜚廉氏有二馬一者朱躡白毳
龍骼鳳臆驟馳如舞終日不釋鞍竟以熱死一者重脰
昂尾駝頸貉膝踈齧善蹶弃而散諸野終年肥遁是以
鳳凰不憎山棲蛟龍不羞泥蟠君子不苟潔以懼患聖
人不避穢而養生

何氏語林言志王無功集無心子傳

譬如獵客網中免得脫寧復念還入網中不念得脫如

免脫網終不還歸

惟日雜
難經

譬如昔者而有一鼈從海出遊至於岸邊有一大狐追之欲危其命鼈覺狐來藏頭四足覆於甲下狐住待之設出頭足我當搏食鼈急不動狐極捨去鼈還詣於大神龍王說某本末求為龍神乃無所畏

修行道地
經修行品

譬如大官捕諸飛鳥皆翦其翅閉著籠中日擇肥者以給官厨時諸飛鳥日日稍減中有一鳥心自念言肥者先死若吾當肥亦死如前設不食者便當饑死今當節

食令身不肥亦莫使羸令身輕便出入無礙不為宰人
所見烹害羽翼可得漸漸生長若從籠出便可飛遊從

意所至

修行道地經
曉了食品

猶如多捕衆鳥藏在大器隨時瞻視養食以時毛尾既
長隨時剪落選其肥者日用供厨中有一鳥內自思惟
若我食多肥則致死若餓不食復致喪身宜自料量少
食損膚衣毛悅澤當從籠出如其所念即便少食衣毛

悅澤便從其願

出曜經
六戒品

昔佛在世時有一道人在河邊樹下學道十二年中貪
想不除不能得道佛知可度化作沙門往至其所樹下
共宿須臾月明有龜從河中出來至樹下復有水狗饑
行求食與龜相逢便欲噉龜龜縮其頭尾及其四脚藏
於甲中不能得噉水狗小遠復出頭足行步如故不能
柰何遂便得脫於是道人問化沙門此龜有護命之鎧
水狗不能得其便化沙門荅曰吾念世人不如此龜不
知無常放恣六情外魔得便形壞神去

法句譬喻經
二心意品

譬如捕魚人見一魚深入大水鉤網所不及則絕望憂

愁

大智度論
七十九

免害

初九需于郊利用恒无咎象曰需于郊不犯難行也

易需

九二需于沙小有言終吉

易需

說而應乎乾是以履虎尾不啞人亨

易履

九四履虎尾愬愬終吉

易履

上九碩果不食君子得輿小人剝廬

易剝

九二惕號莫夜有戎勿恤

易大

處卦之終獨得完全不被剝落猶如碩大之果不為人

食也

周易正義

夫有隙之棄舟而得濟者有衣衲也鄰於不親而得全

者終日戒也

王弼註
易小過

馮煖曰狡兔有三窟僅得免其死耳今有一窟未得高

枕而卧也請為君復鑿二窟

戰國策
齊閔王

毋為怨府毋為禍梯

史記趙世家

無曰不辜斃終不墮井矣

文子
上德

故解之以牛之白顙者與豚之亢鼻者與人有痔病者
不可以適河此皆巫祝以知之矣所以為不祥也此乃

神人之所以為大祥也

莊子人
間世

授甲晨征則理均於困獸斬關宵遁則義殊於前禽

晉書

李雄
列傳

盲者處平而不遇深谿愚者守靜而不陷險危

韓非子
用人

夫兕虎有域動靜有時避其域省其時則免其兕虎之

害矣民獨知兕虎之有爪角也而莫知萬物之盡有爪角也不免於萬物之害何以論之時雨降集曠野閒靜而以昏晨犯山川則兕虎之爪角害之事上不忠輕犯禁令則刑法之爪角害之處鄉不節憎愛無度則爭鬪之爪角害之嗜欲無限動靜不節則瘞疽之爪角害之好用其私智而棄道理則網羅之爪角害之兕虎有域而萬害有原避其域塞其原則免於諸害矣

韓非子
解老

夫珠玉人主之所急也和雖獻璞而未美未為主之害

也然猶兩足斬而寶乃論論寶若此其難也今人主之

於法術也未必和寶之急也而禁羣臣士民之私邪然

則有道者之不僂也特帝王之璞未獻耳

韓非子
和氏

小國不鬪於大國之間兩鹿不鬪於伏兕之傍

淮南子
說林訓

臣聞之乞火不得不望其砲矣今使柳下惠於齊縱不

解於齊兵終不愈益攻於魯矣

說苑
善說

牧羊稻園聞虎呻喧懼畏惕息終免禍患

焦氏易林
屯之復

飛鷹退去不食雉雞

焦氏易林
蒙之家
人

火雖熾在吾後冠雖多在吾右

焦氏易林大有之需

瘰癧瘍疹為身瘡患疾病癰疔常不危殆

焦氏易林大有之大壯

西過虎廬驚我前驅雖憂無危

焦氏易林豫之坎

弩弛弓藏良犬不烹

焦氏易林蠱之損

臨溪橋疾雖恐不危

焦氏易林臨之離

鳧游江湖甘樂其餌既不近人雖驚不駭

焦氏易林噬之大畜

官成立政衣就缺袂恭謙為衛終無禍尤

焦氏易林无妄之遊

彫葉被霜獨蔽不傷

焦氏易林頤之小過

從狴見虎雖危無殆

焦氏易林
大過之革

虎卧不起牛羊歡喜

焦氏易林
坎之謙

履冰蹈凌雖困不窮

焦氏易林
明夷之隨

敏捷亟疾如猿集木彫弓雖調終不能獲

焦氏易林
漸之蹇

上九兩虎相牙知掣者測曰兩虎相牙知所制也

太玄
經第

二
爭

次五藏不滿盜不羸測曰藏滿盜羸還自損也

太玄經
第五積

次八揮其罽絕其羸

古縣
字

殆測曰揮罽絕羸危得遂也

太玄經
第五翕

次七正其足蹠于狴獄三歲見錄測曰正其足險得平

也

太玄經
第六窮

逸麟逍遙大荒之表故無機穽之禍靈鶴振翅玄圃之
峯以違罽羅之患何必曲穴而永懷怵惕何必銜蘆而
慘慘畏容故充乎宰割之用者必愛乎芻豢者也給乎

煎熬之膳者必安乎庭立者也

抱朴子外
篇博喻

懸魚惑以芳餌檻虎死於籠狐不可以釣緡致者必虬

螭也不可以機穽誘者必麟虞也

抱朴子外
篇廣譬

猶網魚之去水罟圍獸之出陸羅也

抱朴子外篇譏惑

鴻高飛冥冥薄天雖有弋執增繳何所施巧而取焉喻

賢者深居亦不懼暴亂之害

李善註文選范蔚宗逸民傳論

焦鵬振六翮羅者安所羈

廣文選嵇叔夜述志詩

次七出險登丘或牽之牛

太玄經第一疇

叩頭蟲蟲之微細者然教之輒叩頭人以其叩頭傷之

不祥故莫之害也

太平御覽蟲豸部叩頭

居牛馬之位者無牛馬之患託犬羊之列者無犬羊之

答

道德經指
歸卷八

無之為物水火不能害金石不能殘用之於心則虎兕
無所投其齒角兵戈無所容其鋒刃何危殆之有乎

道德

經註

譬如有人閉在深獄門戶堅牢唯有廁孔便從中至无

礙處

元陽妙
經卷九

譬如野干於諸龜鼈不能得便不得便故所行自在也

婆羅密多經
五百八十九

譬如大海中船卒破壞知中人皆當墮水沒死終不能
得度是船中有板若檣有健者得之騎其上順流隨海
得出知是人終不沒水中死也何以故用得板檣故

道行

波羅密
經卷五

譬如有人善入大海一切水族無能為害假使入於摩

竭魚口亦不為彼之所吞噬

大方廣佛華嚴
經卷七十八

如鹿突圍得免獵師危害之苦

禪秘要法
經尺四

雀在瓶中覆蓋其口不能出飛今瓶已破雀飛而去

佛說

七女經
尺六

轉禍

六二明夷夷于左股用拯馬壯吉

易明夷

初六鼎顛趾利出否得妾以其子无咎

易鼎

六二震來厲億喪貝躋于九陵勿逐七日得

易震

六二婦喪其茀勿逐七日得

易既濟

處鼎之初將在納新施顛以出穢得妾以為子故无咎

也

王弼註
易鼎

六四鴻漸于木或得其桷无咎

易漸

六五射雉一矢亡終以譽命

易旅

智者之舉事也轉禍而為福因敗而成功者也齊人紫

敗素也而賈十倍

戰國策燕昭王

遭乾坤之靈值時來之運揚湯止沸使不焦爛起煙於

寒灰之上生華於已枯之木

魏志劉廙傳

公之在公安也北畏曹操之強東憚孫權之逼內慮孫夫人興變於肘腋之下孝直為輔翼遂翻飛翺翔不可

復制

華陽國志

復策敗駕之駟以奠萬里之功非天眷之隆將何以至

此

晉書庾冰傳

失火而遇雨失火則不幸遇雨則幸也故禍中有福也

淮南子
說林訓

唐子短陳駢子於齊威王威王欲殺之陳駢子與其屬

出亡奔薛孟嘗君聞之使人以車迎之至而養以芻豢

黍梁五味之膳日三至冬日被裘罽夏日服絺紵出則

乘牢車駕良馬孟嘗君問之曰夫子生於齊長於齊夫
子亦何思於齊對曰臣思夫唐子者孟嘗君曰唐子者
非短子者邪曰是也孟嘗君曰子何為思之對曰臣之
處於齊也糲粢之飯藜藿之羹冬日則寒凍夏日則暑
傷自唐子之短臣也以身歸君食芻豢飯黍粢服輕煖

乘牢良故思之此謂毀人而反利之者也

淮南子
人間訓

抗枉令直使販更成

說苑
正諫

褰衣涉河澗流浚多賴遇舟子濟脫無它

焦氏易林
坤之萃

淵坑復平宇穴安寧

焦氏易林
隨之鼎

初雖無輿後得載車

焦氏易林
隨之旅

千人舉龍困危得海

焦氏易林
臨之中孚

湯火之憂轉解喜來

焦氏易林
小過之噬嗑

膏澤沐浴洗去污辱振除災咎更與壽福

焦氏易林
漸之賁

上九棲于菑初亡後得基測曰棲菑得基後得人也

太玄

經第一上

次七繫卵業業懼貞安測曰繫卵業業自危作安也

太玄

經第

一差

次八赤舌燒城吐水于餅測曰赤舌吐水君子以解祟

也

太玄經
第一千

次七疾則藥巫則酌測曰疾藥巫酌禍可轉也

太玄經
第六十

萬物衰落故言不善積衰落之物以積明歲故作明基

太玄經第

五積解

迴纒碁之危成維山之固

藝文類聚職
官部司徒碑

得免虎口仍上龍門

文苑英華
度信傳

生促

人生一世間如白駒過隙何至自苦如此乎

史記留侯世家

夫人生居世間也譬猶騁六驥決隙也

史記李斯傳

蘇子曰人生一世若朝露之託於桐葉耳其與幾何

後漢

書王符

傳註

夏之日忽以過冬之夜尋復來

晉書段灼傳

飄風不終朝驟雨不終日孰為此者天地天地尚不能

久而况於人乎

老子虛無

川閱水以成川世閱人而為世河之下龍門也疾如箭

之脫若人壽幾何而期以有待也

子華子
神氣

操有時之具而託於無為之間忽然無異騏驥之馳過

隙也

莊子
盜跖

夫藏舟於壑藏山於澤謂之固矣然而夜半有力者負

之而走昧者不知也藏小大有宜猶有所遯

莊子大
宗師

楊朱曰太古之事滅矣孰誌之哉三皇之事若存若亡

五帝之事若覺若夢三皇之事或隱或顯億不識一當

身之事或聞或見萬不識一目前之事或存或廢千不識一太古至于今日年數固不可勝紀但伏羲已來三十餘萬歲賢愚好醜成敗是非無不消滅但遲速之間耳矜一時之毀譽以焦苦其神形要死後數百年中餘

名豈足以潤枯骨何生之樂哉

列子揚朱

人之生其猶冰也水凝而為冰氣積而為人冰極一冬而釋人竟百歲而死人可令不死冰可令不釋乎

王充論衡

道虛篇

人居一世間忽若風吹塵

曹子建
遊露行

念人生之不永若春日之微霜

曹子建
節遊賦

唯人生之忽過若鑿石之末燿

曹子建
感節賦

徒聞有先霜而枯瘁當夏而凋青含穗而不秀未實而

萎零未聞有享於萬年之壽久視不已之期者矣

抱朴
子內

仙
篇論

里語有之人在世間日失一日如牽牛羊以詣屠所每

進一步而去死轉近此譬雖醜而實理也

抱朴子內
篇勸求

且夫玄黃遐邈而人生倏忽以過隙之促託罔極之間

迅乎猶奔星之暫見飄乎似飛矢之電經

抱朴子外篇嘉遊

夫二儀彌邈而人居若隅以朝困之耀秀不移晷而殄

瘁類春華之暫榮未改旬而凋墜雖飛颿之經霄激電

之乍照未必速也夫期頤猶奔星之騰炯黃髮如激箭

之過隙况或未明而殞籜迎秋而零瘁者哉

抱朴子外篇自敘

唐肆非停馬處言求向者之有不可復得也人之生若

馬之過肆耳無駐須臾

郭子註莊
田子方

采采榮木結根于茲晨耀其華夕已喪之人生若寄願

賴有時

陶靖節集
詩四言

夫天回日轉其謝如矢騷哀迅足弗能追也人之短生

猶如石火炯然以過唯立德貽愛為不朽也

劉子
惜時

人之性命脆促不殊譬水同波而無異瀾也

李善註文
選歎逝賦

夫露之在草無一朝有餘以喻人之居世無一時而能

故也

李善註文
選歎逝賦

言日無停景川不旋波以喻年命流行曾無止息也

李善

註文選陸士

衡長歌行

譬日及之在條恒雖盡而弗悟

文選 賦 數

愁洽百年苦溢千歲何異促鱗之游汀潭短羽之棲巖羽

蒼

文選 張 協 七 命

逝矣經天日悲哉帶地川寸陰無停晷尺波豈徒旋

文選

陸機長

歌行

年往迅勁夫時來亮急弦

文選 陸機 長歌行

時無重至華不再揚蘋以春暉蘭以秋芳

文選 陸機 短歌行

顏魄不再圓，傾義無兩旦。金石終銷毀，丹青暫彫煥。

文選

謝惠連
秋懷詩

人生瀛海內，忽如鳥過目。

文選張
協詩

人生寄一世，奄忽若颺塵。

文選
古詩

人生天地間，百年孰能要。歛如歊石火，瞥若截道颺。

文選

滄岳河陽

縣作詩

尋煙染芬薰，息猶芳徵音。錄響操終則，絕何則垂於世。者可繼止乎身者難結，是以玄晏之風，恒存動神之化。

已滅

文選陸機
演連珠

人生無根蒂飄如陌上塵

補文選陶
潛雜詩

處百齡之內居一世之中倏忽比之白駒寄遇謂之逆

旅

補文選昭明太
子陶淵明集序

神龜雖壽猶有竟時騰蛇乘霧終為土灰

廣文選曹孟
德碣石篇

桃李不奢年桑榆多暮節常恐秋蓬根連翩因風雪

廣文

選王元長
遊仙詩

夫及遠者箭也而定遠非箭之功為生者我也而制生

非我之情故自箭而為心不可憑者絃因生以觀我不

可恃者年

廣文選鮑明遠觀漏賦

時不留乎激矢生乃急於走丸既河源之莫壅又吹波

而助瀾

廣文選鮑明遠觀漏賦

蓋人生天地之間也若流電之過戶牖輕塵之栖弱草

藝文類聚地部塵

惟人生於世上若馳驥之過檣

藝文類聚人部哀傷賦

曄曄舜華朝生夕落

藝文類聚人部哀傷文

寒暑更進退金石有終始光色俯仰間英艷難久恃藝文

類聚人部

言志詩

團團明月魄滿則缺亭亭陽暉曜過則逝天地猶有盈

虧况華豔之浮蕖

藝文類聚
禮部婚

夜漏方盡馳光復斜

藝文類聚職官
部特進墓誌

至如不死之草猶稱南喬長生之樹尚挺西崑百紀遊

龜皆登蓬萊千齡壽鶴或舞松枝假矣生民何其天脆

譬彼風電同諸泡沫

藝文類聚靈
異部仙道碑

清露被臯蘭凝霜霑野草朝為美少年夕暮成醜老

初學

記天
部露

災憑薪以傳焰人資氣以享年苟薪氣之有竭何年燄

之恒延

初學記器
物部火

越王告吳王曰民生于地上寓也老萊子曰人生於天

地之間寄也寄者固歸

困學紀聞卷
十八評詩

如矢一發往而不回

虛皇四
十九章

人生一世間譬如電光速嬰兒化老耄倏忽春夢中

虛皇

四十
九章

人之生世常知有歸生死周迴曾不休息譬如日出於

東亦自西沉

三十六部尊
經消魔經

如絲經盡无可尋續

海空智藏
經供獻品

猶如假借勢不得久

海空智藏
經持戒品

譬如秋月池中蓮花一切衆人之所樂見而忽萎黃

人所棄薄

海空智藏
經持誠品

譬如電菌一時之壽

玉清經
八節品

星夜編而曉落則邪見難保露陰泣而陽晞則色蘊方

促

波羅蜜多經卷
五百七十七

譬如草端霜露凝滴日光照灼必不停住

大寶積經
四十一

如天大雨流泡亂浮速起速滅如是身為不堅如水上

泡其性輕薄亦復如是

大寶積經
四十二

譬如大海及以衆流有泡沫聚一切不堅其性虛弱不

可穀觸

大寶積經
四十二

譬如夏月暑息止樹下涼須臾當復去世間無有常

佛說

越難經

尺六

譬若如鐵洞然俱熾以鎚打之迸火飛空上已即滅阿中

舍經
卷二

譬如燒筵讒然便滅中阿舍
經卷二

譬如路傍樹暫息非久停佛說無常
經當九

又如朽舍及如漏船雖假修治旋歸散壞大乘
經上

身如聚沫不可撮摩又如水泡旋有即壞大乘
經上

又如坏器難為固惜大乘
經上

不寐夜長疲倦道長愚生死長

法句經
開愚品

命如果待熟常恐會零落

法句經
生死品

如河駛流往而不返人命如是逝者不還

法句經
無常品

人在世間譬乘泥船渡河當浮渡船且壞人身如泥船

不可久當疾行道

三慧經
藉八

譬如駛河常流不停衆生壽命亦復如是

本緣經
羅摩品

譬言之如屋脊骨如棟脇肋如椽骸骨如柱皮如四壁肉

如泥塗虛偽假合為人安在危脆非真幻化須臾

思惟
要畧

譬如山頂河瀑疾不暫停

大莊嚴經
論卷五偈

譬如燈炷唯賴膏油膏油既盡勢不久停人亦如是唯

賴壯膏壯膏既盡衰老之炷何得久住

法苑珠林
卷四十七

欲火所燒貪心難滿事等駛河乍同沃焦故以尺波寸

影大力所不能駐月御日車雄才莫之能遏

法苑珠林
卷九十二

常存不變謂之壽而外風積氣飄鼓動止無常動止

無常風無壽也外風既無壽內風類可知

僧肇註維摩
詰經方便品

史記卷之四



新

目

喻林卷四十六

欽定四庫全書

喻林卷四十七

明 徐元太 撰

人事門 四十五

瑕疵

凡過之所始必始於微而後至於著罰之所始必始於薄而後至於誅過輕戮薄故屢校滅趾極其行也足懲而已故不重也

王弼註
易噬嗑

華或有黃者或有白者興明王之德時有駁而不純

鄭氏

箋詩

裳裳

瑕者玉之病玉之有瑕猶人之有過故以瑕為過

毛詩正義

踐狼

華一時而黃白雜色以興明王亦一時而善惡不純詩

正義裳
裳者華

余狐裘而羔袖

左傳襄公十四年

日月動物雖行度有大量不能不小有盈縮

范甯
解穀

梁隱公

三年

瑕不掩瑜瑜不掩瑕忠也

禮記聘義

論大功者不錄小過舉大美者不疵細瑕

前漢書陳湯傳

青蠅點素同茲在藩

後漢書楊震傳

夫夏后氏之璜不能無考明月之珠不能無類然而天下寶之者何也其小惡不足妨大美也今志人之所短

而忘人之所修而求得其賢於天下則難矣

淮南子汎論訓下

若珠之有類玉之有瑕置之而全去之而虧

淮南子說林訓

豹裘而雜不若狐裘之粹白璧有考不得為寶言至

純之難也

淮南子
說林訓

水雖平必有波衡雖正必有差尺寸雖齊必有詭

淮南子說

林訓

瘤癭禿疥為身瘡害

焦氏易林
坤之大過

杲杲白日為月所食

焦氏易林家
人之小畜

言堯有不慈之過以其不傳丹朱也舜有甲父之謗以

其不立瞽瞍也

王逸註楚
辭九辯

小疵不足以損大器短疾不足以纒長才日月挾蟲鳥

之瑕不妨麗天之景黃河合泥滓之濁不害凌山之流
奢僭不可以棄夷吾奪田不可以薄蕭何竊妻不可以
廢相如受金不可以斥陳平

抱朴子外
篇博喻

牛躅之霍不生魴鱖巢幕之窠不容鵠卵崇山廊澤不
辭汗穢佐世良材不拘細行何者量小不足以包大形

器大無分小瑕也

劉子
妄瑕

荆岫之玉必含纖瑕驪龍之珠亦有微類然馳光於千

載飛價於侯王者以小惡不足傷其大美者也

劉子
妄瑕

雖天地之大三光之明聖賢之智猶未免乎訾也故天
有折之象地有裂之形日月有薄蝕之變五星有孛彗
之妖堯有不慈之誹舜有囚父之謗湯有放君之稱武

有殺主之譏

劉子
妄瑕

有悔可悛滯瑕難拂

文選顏延年
譙曲水詩

君子之過引曲推直如彼日月有時則食

文選潘岳
楊荊州誄

彼日月之照明兮尚黥黥而有瑕

廣文選宋
玉九辯

溝貞心以推忒毀玉質而蒙瑕

廣文選陸
士龍九愍

人有厚德無問小節人有大舉無訾小故隋侯之珠不

能無類

意林
體論

玉有瑕穢必見於外故君子不隱所短

藝文類聚
寶玉部玉

玉懷瑕而可指桂含蠹其取傷

文苑英華
王僧孺誄

黥霧固何傷於日月小疵庸曷損於瓊瑤

玉皇本
行集經

如形殘跛陋者自見形象面貌不生歡悅

元陽妙
經卷六

猶酒酥麻油必有濁滓

出曜經一
無常品

夫良玉時玷賤夫指其瑕望舒抱魄野人睨其缺

弘明
集釋

何衡陽
達性論

過當

求深窮底令物无餘蘊漸以至此物猶不堪而况始求

深者乎

王弼註
易恒

彼汾

音沮

去聲

音濡

言采其莫

音慕

彼其之子美無度美無

度殊異乎公路。彼汾一方言采其桑彼其之子美如

英

叶於
良反

美如英殊異乎公行。彼汾一曲言采其蕢

音續

彼其之子美如玉美如玉殊異乎公族

詩國風
汾沮洳

葛履魏之內子儉不中禮媵者怨之

詩說魏

弁人有其母死而孺子泣者孔子曰哀則哀矣而難為繼也夫禮為可傳也為可繼也故哭踊有節

禮記檀弓上

古人有言曰畏首畏尾身其餘幾

左傳文公十七年

多則多矣抑君似鼠夫鼠晝伏夜動不穴于寢廟畏人故也今君聞晉之亂而後作焉寧將事之非鼠如何

左傳

襄公二十四年

諺所謂室於怒市於色者楚之謂矣

左傳昭公十九年

今之與楊墨辨爭道者譬如追放逸之豕豚追而還之

入欄則可又復從而鬻之太甚

趙氏註孟盡心下

鄙語有之牽牛徑人田田主奪之牛徑則有罪矣奪之

牛不亦甚乎

史記陳世家

蹈陸土而有沈淪之憂遠巖墻而有鎮壓之患

後漢書寇恂列

傳

不意滯怒不為春夏息淹恚不為順時忌

後漢書寇恂傳論

蒼梧澆娶妻而美讓於其兄尾生篤信水至不去而死

直躬好直證父攘羊申鳴奉法盡忠於君而執其父忠
信直讓此四行者聖賢之所貴也然不貴蒼梧之讓非
讓道也不取尾生之信非信所也不許直躬之直非直
體也不嘉申鳴之忠非忠意也

吳志鍾離
牧傳註

譬棄物江海以為廉耳

宋書謝
弘微傳

枉繩矯墨害著西荆

宋書沈
攸之傳

然而矯枉過直懲羹吹壑

晉書諸
王總傳

毛嬙西施天下之美人也盛怨氣於面不能以為好

管子
小稱

今夫惰農信地實生百穀不力於其道也竊其果稼而
荒翳之齊后信人之性酬讓不明於其道舉全境以付

人人實鳩義而有其國

元倉子
用道

東方有人焉曰爰旌目將有適也而餓於道狐父之盜
曰丘見而下壺餐以舖之爰旌目三舖而後能視曰子
何為者也曰我狐父之人丘也爰旌目曰譎汝非盜邪
胡為而食我吾義不食子之食也兩手據地而歐之不

出喀喀然遂伏而死狐父之人則盜矣而食非盜也以

人之盜因謂食為盜而不敢食是失名實者也

列子
說符

子墨子曰鄭人三世殺其父而天加誅焉使三年不全
天誅足矣今又舉兵將以攻鄭曰吾攻鄭也順於天之
志譬有人於此其子強梁不材故其父笞之其鄰家之
父舉木而擊之曰吾擊之也順於其父之志則豈不悖

哉

墨子
魯問

今世俗之為說者以桀紂為有天下而臣湯武豈不過

甚矣哉譬之是猶偃坐跂匠

音匠

大自以為有知也

荀子正論

以君子與小人相賊害也憂以忘其身內以忘其親上以忘其君豈不過甚矣哉是人也所謂以狐父之戈鑄

牛天也

荀子滌辱篇

鄭人有且置履者先自度其足而置之其坐至之市而忘操之已得履乃曰吾忘持度反歸取之及反市罷遂不得履人曰何不試之以足曰寧信度無自信也

韓非子外

儲說左

且御非使王良也則必使臧獲敗之治非使堯舜也則

必使桀紂亂之此味非飴蜜也必苦菜亭歷也

韓非子
難勢

畏馬之辟也不敢騎懼車之覆也不敢乘是以虛禍距
公利也不孝弟者或詈父母生子者所不能任其必孝

也然猶養而長之

淮南子
說山訓

為孔子之窮於陳蔡而廢六藝則惑為醫之不能自治

其病病而不就藥則悖矣

淮南子
說山訓

今有良馬不待策鍛而行駕馬雖策鍛之不能進為此

不用策鋌而御則愚矣夫怯夫操利劍擊則不能斷刺則不能入及至勇武攘捲一擣則摺脇傷幹為此棄干

將鎔邪而以手戰則悖矣

淮南子
修務訓

祿過其功者損名過其實者削

說苑
政理

一噎之故絕穀不食一蹶之故却足不行

說苑
談叢

夫山銳則不高水狹則不深行特者其德不厚志與天地疑者其為人不祥鮑子可謂不祥矣其節度淺深適

至而止矣

新序節
士七

楊王孫僇葬以矯世曰矯世以禮僇乎如矯世則葛溝

尚矣

揚子重
黎篇

言人有歆羨而中熱心中懲念見整則恐而吹之

王逸
註楚

辭九

章

申生雉經晉不絕繩子胥自沈吳不斷水

淮南子說
林訓解

世人見當今之文薄也狎侮非之則謂上世朴質下世

文薄猶家人子弟不謹則謂他家子弟謹良矣

王充論
衡齊世

篇

今五色雖陳目不敢視五味雖存口不得嘗以言爭而獲勝則可焉有勺藥為荼蓼西施為嫫母忽而不欲哉

嵇中散集向子
期難養生論

或覩富貴之過因懼而背之是猶見食之有噎因終身

不飡耳

嵇中散集向子
期難養生論

豈可以百慮之一失而謂經典之不可用以日月曾蝕

之故而謂玄象非大明哉

抱朴子內
篇論仙

昔王莽引典墳以飾其邪不可謂儒者皆為篡盜也相

如因鼓琴以竊文君不可謂雅樂主於淫佚也

抱朴子
內篇論

仙

然不可以黔婁原憲之貧而謂古者無陶朱猗頓之富

不可以無鹽宿瘤之醜而謂在昔無南威西施之美

抱朴

子內篇

論仙

噎死者不可譏神農之播穀燒死者不可怒燧人之鑽
火覆溺者不可怒帝軒之造舟醜營者不可非杜儀之
為酒豈可以欒大之邪偽謂仙道之果無乎是猶見趙

高董卓便謂古無伊周霍光見商臣冒頓而云古無伯

奇孝已也

抱朴子內
篇論仙

夫畏水者何必廢舟楫忌傷者何必弃斧斤

抱朴子外
篇交際

何必裸袒以詭彼已斷粒以刺玉食哉

抱朴子外
篇交際

先生慕嘉遁之偏枯不覺捐華之患害也務乎單豹之
養內未覩暴虎之犯外也是聞涉水之或溺則謂乘舟

者皆敗以商臣之凶逆則謂繼體無類也

抱朴子外
篇嘉遯

何必慮火災而壞屋室畏風波而填大川乎

抱朴子外
篇詰鮑

譬於防火水中避溺山隅

補文選司馬相如美人賦

莊周婦死而歌夫通性命者以卑及尊死生不悼不可

論也夫象見死皮無遠近必泣周何忍哉

太平御覽獸部象

文帝黃初二年築陵雲臺七年三月築九華臺樓觀精

巧先稱平衆木輕重然後造無錙銖相結臺雖高峻常

隨風搖動而終無傾倒之理明帝登臺懼其勢危別以

大木扶持之樓即頽壞論者謂輕重力偏也

玉海宮室庭

昔有一人往至他舍見他屋舍墻壁塗治其地平正清

淨甚好便問之言用何和泥得如是好主人荅言用稻穀麩水浸令熟和塗泥壁故得如是愚人即便而作念言若純以稻麩不如合稻而用作之壁可白淨泥治平好使用稻穀和泥用塗其壁望得平正反更高下壁都坼裂虛棄稻穀都無利益

百喻經
卷上

昔有一長者遣人持錢至他園中買菴婆羅果而欲食之而勅之言好甜美者汝當買來即使持錢往買其果果主言我此樹果悉皆美好無一惡者汝嘗一果足以

知之買果者言我今當一一嘗之然後當取若但嘗一
何以可知尋即取果一一皆嘗持來歸家長者見已惡

而不食便一切都棄

百喻經
卷下

譬如田舍人初不識鹽見人以鹽著種種肉菜中而食
問言何以故爾語言此鹽能令諸物味美故此人便念
此鹽能令諸物美自味必多便空抄鹽滿口食之鹹苦
傷口而問言汝何以言鹽能作美人言癡人此當籌量

多少和之令美云何純食鹽

大智度論
卷十八

如風能使船風過則壞船

大智度論
卷二十三

譬如愚人不識飲食種具聞醬是衆味主便純飲醬失

味致患

大智度論
卷五十九

譬如食雖香美過噉則病

大智度論
卷六十四

汝說一切皆空甚可畏也安捨有法而愛空乎如昔狂人令績師績綿極令細好績師加意細若微塵狂人猶恨其麤績師大怒乃指空示曰此是細縷狂人曰何以不見師曰此縷極細我工之良匠猶且不見况他人耶

狂人大喜以付織師師亦效焉皆蒙上賞而實無物汝之

空法亦由此也

高僧傳二
鳩摩羅什

昏暗

噓噓其陰虺虺其雷

詩國風
終風

叔兮伯兮

音

如充耳

詩國風
旄丘

折柳樊圃

叶博
故反

狂夫瞿瞿

音

不能晨夜

叶羊
茹反

不夙則莫

音慕。詩國
風東方未明

具曰予聖誰知烏之雌雄

詩小雅
正月

瞻彼中林侯薪侯蒸民今方殆視天夢夢

音蒙。詩小雅正月

人莫知其子之惡莫知其苗之碩

大學

人莫不飲食也鮮能知味也

中庸

縱毛爐炭之上幸不焦投卵千金之下望必全豈不殆哉臣聞桀登高自知危然不知所以自安也前據白刃自知死而不知所以自存也惑者知返迷道不遠願大

王察之

吳越春秋句踐入臣外傳

盲者不可示以文繡聾者不可語以調聲

越絕篇叙外傳記

古與今如一丘之貉

前漢書
楊惲傳

闇昧不覩日月之光
聾昏不聞雷霆之震

後漢書
馬融列傳

朱紫同色清濁不分

後漢書
左雄列傳

恍若迷塗失偶
廝如深夜撤燭

宋書
顏延之傳

水激則波起
炁亂則智昏昏
智不可以為正
波水不可

以為平

文子
下德

瞽者無以與乎文章之觀
聾者無以與乎鐘鼓之聲
豈

唯形骸有聾盲哉
夫知亦有之

莊子
逍遙

盲者無以與乎眉目顏色之好瞽者無以與乎青黃黼

黻之觀

莊子大
宗師

今君人者急逐樂而緩治國豈不過甚矣哉譬之是猶

好聲色而恬無耳目也

荀子
王霸

今使人生而未嘗睹芻豢稻粱也惟菽藿糟糠之為睹
則以至足為在此也俄而粲然有秉芻豢稻粱而至者
則矚然視之曰此何怪也彼臭之而無嫌於鼻嘗之而
甘於口食之而安於體則莫不棄此而取彼矣今以夫

先生之道仁義之統以相羣居以相持養以相藩飾以相安固邪以夫桀跖之道是其為相縣也幾直夫芻豢之縣糟糠爾哉然而人力為此而寡為彼何也曰陋也

荀子
榮辱

目不能決黑白之色則謂之盲耳不能別清濁之聲則謂之聾心不能審得失之地則謂之狂盲則不能避晝日之險聾則不能知雷霆之害狂則不能免人間法令

之禍

韓非子
解老

詩曰墨以為明狐狸其蒼此言上幽而下險也

荀子解蔽篇

張儀欲以秦韓與魏之勢伐齊荆而惠施欲以齊荆偃兵二人爭之羣臣左右皆為張子言而以攻齊荆為利而莫為惠子言惠子因說不可不察也夫齊荆之事也誠利一國盡以為利是何智者之衆也攻齊荆之事誠不利一國盡以為利何愚者之衆也凡謀者疑也疑也者誠疑以為可者半以為不可者半今一國盡以為可

是王亡半也劫主者固亡其半者也

韓非子內儲說上

客有教燕王為不死之道者王使人學之所使學者未及學而客死王大怒誅之王不知客之欺已而誅學者之晚也夫信不然之物而誅無罪之臣不察之患也且人所急無如其身不能自使其無死安能使王長生哉

韓非子外儲說左上

紂為長夜之飲懼以失日問其左右盡不知也乃使問箕子箕子謂其徒曰為天下主而一國皆失日天下其危矣一國皆不知而我獨知之吾其危矣辭以醉而不

知韓非子
說林

闇主則不然所愛習親近者雖邪枉不正不能見也疏
遠卑賤者雖竭力盡忠不能知也有言者窮之以辭有
諫者誅之以死如此而欲照海内存萬方是猶塞耳而
聽清濁掩目而視青黃也其離聰明則亦遠矣淮南子
主術訓
不聞道術之人則寡於得失不知亂之所由芘芘乎其

猶醉也韓詩
外傳

昔桀罪諫者紂焚聖人剖王子比干之心袁氏之婦絡

而失其紀其妾告之怒棄之夫亡者豈斯人知其過哉

說苑
權謀

者蒙睡眠不知東西歲君失理命直為曲

焦氏易林
同人之大壯

左眇右盲視闇不明

焦氏易林
大有之益

右目無瞳偏視寡明十步之外不知何公

焦氏易林
謙之蹇

戴餅望天不見星辰

焦氏易林
隨之蹇

昧視無光夜不見明

焦氏易林
蠱之豫

朝不見光夜不見明

焦氏易林
坎之泰

蔽鏡無光不見文章

焦氏易林
恒之未濟

日有光月有明三年不目日視必盲三年不日月精必

矇

揚子
修身

次七修侏

朱

侏比于朱儒測曰侏侏之修無可為也

太

經第
一童

次二盲征否測曰盲征否明不見道也

太
五
晦

初一膏復暎

失丹
切

天不覩其軫測曰膏復暎天無能見

也

太
六
膏

次三師或導射豚

也。道其墀也。其射測也。

曰師或導射無以辨

也

太玄經
第六卷

次五倍明佞光觸蒙昏

太玄經
第六卷

言不識味者並甘臭惡不知人者信任讒佞

王逸註楚
辭九章

言川水夏濁而秋清傷君無有清明之時

王逸註楚
辭九辨

言今世之君迷惑讒佞反表以為裏倒裳以為衣而不

能知也

王逸註楚
辭九嘆

亡國之君不知去貪暴施仁惠若無骨之蟲春生秋死

不知冬寒之有冰雪

呂氏春秋
任數解

夫五音不聞無以別宮商五色不見無以別玄黃

武侯
十六

策視
聽

儒生不覽猶為閉閣况庸人無篇章之業不知是非
其為閉閣甚矣此則土木之人耳目俱足無聞見也

王充論衡
別通篇

然而淺見之徒區區所守甘於荼蓼而不識粘蜜酣於
醕酪而不賞醇醪知好生而不知有養生之道知畏死

而不信有不死之法知飲食過度之速疾病而不能節

肥甘於其口也知極情恣欲之致枯損而不知割懷於

所欲也

抱朴子內
篇微音

小人之知未知所向猶泉初發蒙蒙然也

太玄經第
二務解

問其造屋不必知楹橫而椳豎也問其為田不必知稷

早而黍穉也

顏氏家
訓勉學

戶服艾以盈要兮謂幽蘭其不可佩覽察草木其猶未

得兮豈理美之能當

文選屈原
離騷經

君所察者三年不可以不知不知時與不時譬猶春不耕也不知行與不行譬以方為輪也不知宜與不宜譬

以錦緣薦也

藝文類聚服飾部薦薦席

鼻不知臭為聾人不知是非為閉

太平御覽人事部鼻

宋陽里華子中年病忘朝取而夕忘夕與而朝忘在途

則忘行在室則忘坐

太平御覽人事部迷忘

猶如闇夜所見不真

三十六部尊經

如或見昧粗精識迷微妙不啻隔紗而視日奚殊認鹿

以為牛

玉皇本
行集經

猶如盲人雖在人間日月之下而竟不知日月光明何

以故日光皎然盲者不見

無上內秘藏
經辨四真品

如人有眼無外光明不能覩見所有色像

波羅蜜多經
卷五百七十

二

住於幽闇間猶如蝙蝠類

大寶積
經卷三

譬如闕壞眼不能見眾色

大集地藏十
輪經卷六

譬如盲人至大寶洲行住坐卧不見眾寶

大方廣佛華
嚴經四十五

所謂膚翳覆眼重雲隱月如人穿井瓶中燈燄

大法鼓經卷下

猶如無燈明而入於闇室

本緣經毘羅摩品

觀彼衆生展轉五道始終周旋如磨不定

修行道地經菩薩品

遠道暗昧如夜發箭

法句經廣衍品

譬如人眼翳見妙珍寶謂為不淨

大智度論卷六十七

僕謂餌辛者不知辛之為辛而無羨於甜香悅晷者不

覺晷之為晷而弗耽椒蘭

弘明集駁夷夏論

皆由放散情慮擾亂心神似風裏之燈譬言波中之月搖

漾輕動浮游汎濫影既不現照豈得明

法苑珠林
卷八十四

日月豈不淨耶而盲者不見對曰是盲者過非日月咎

舍利弗衆生罪故不見如來佛國嚴淨非如來咎

維摩
詰所

說經佛
國品

日月豈不明不見自由聾目佛土豈不淨罪穢故不覩

僧肇註維摩
詰經佛國品

乖異

九三輿說輻夫妻反目

易小
畜

睽火動而上澤動而下二女同居其志不同行

易睽

上火下澤睽君子以同而異

易睽

水火相息二女同居其志不相得曰革

易革

九三艮其限列其夤厲薰心

易艮

天道西轉水流東注是天與水相違而行

周易正義訟

水火二物共成烹飪理應相濟今火在上而炎上澤居

下而潤下无相成之道所以為乖

周易正義睽

夤當中脊之肉也既止加其身之中則上下不通之義

也黃既分列身將喪亡故憂危之切薰灼其心矣然則

君臣共治大體若身大體不通則君臣不接君臣不接

則上下離心列黃則身亡離心則國喪

周易正義

習習谷風以陰以雨龜勉同心不宜有怒

叶暖五反。詩國風谷風。

既阻我德費用不售

與壽同叶市周反。詩國風谷風。

羔裘豹祛音區自我人居居。羔裘豹褻音袖自我人究究

詩國風

羔裘

白華音毒菅音毒兮白茅束兮之子之遠俾我獨兮

詩小雅白華

習習谷風維山崔嵬無草不死無木不萎

叶於反

忘我大

德思我小怨

詩小雅谷風

駢駢

音解

角弓翩其反矣兄弟昏姻無胥遠矣

詩小雅角弓

瞻彼中林_音牲牲_音其鹿朋友已譖不胥以穀人亦有言

進退維谷

詩大雅桑柔

角弓父兄刺幽王也不親九族而好讒佞骨肉相怨

詩毛

角弓

盛夏養萬物之時草木枝葉猶有萋搞者朋友雖以恩

相養亦安能不時有小訟乎

鄭氏箋
詩谷風

視彼林中其鹿相輩耦行性性然衆多今朝廷羣臣皆

相欺背不相與以善道言其鹿之不如

鄭氏箋
詩桑柔

魯事晉猶女之事夫不敢過差而晉有罔極之心反二

三其德

杜氏解左傳
成公八年

鼻之與強猶晉人之與楚人也晉人見楚人之急帶劔

而緩之楚人惡其緩而急之

戰國策
魏昭王

一尺布尚可縫一斗粟尚可舂兄弟二人不相容

前漢
書淮

南王
傳

張陳之交猶如父子攜手遂秦拊翼俱起據國爭權還

為豺虎

前漢書
叙傳下

使股肱分成二體匈齊絕為異身

後漢書表
紹列傳

乖琴瑟之至和違鹽梅之相濟

魏書辛
雄傳

王爵不相加婦姑位不定各恃衆怙力將人人碁跣以

觀成敗不肯同心共膽率徒旅進

魏志鄭
渾傳註

一尺繒好童童一升粟飽蓬蓬兄弟二人不能相容

淮南

子序

天氣上騰地氣下降二象分離萬物不交也

京氏易傳否上

居者不知負戴之勞從旁議者與當局者異憂

鹽鐵論刺復

背北相憎心意不同如火與金

焦氏易林乾之歸妹

播木折枝與母別離

焦氏易林訟之謙

夫婦相背和氣弗處陰陽俱否莊姜無子

焦氏易林豫之家入

兩心不同或欲西東

焦氏易林隨之兌

躡馬破車惡婦破家青蠅汗白恭子離居

焦氏易林觀之隨

五星六意岐道多怪

焦氏易林
復之隨

口不從心欲東反西與意乖戾動舉失便

焦氏易林
離之既濟

寒暑不當軌度失常

焦氏易林
大壯之坎

賈辛醜惡妻不安夫

焦氏易林
晉之大畜

兩人俱醉相與悖戾

焦氏易林
益之未濟

冰炭異室仁道閉塞

焦氏易林
井之旅

踈類異路心不相慕牝牛牡豨鰥無室家

焦氏易林
革之蒙

日走月步趨不同舍

焦氏易林
豐之同人

三虎上山更相距哮心志不親如仇與怨

焦氏易林
渙之未濟

次五膠漆釋弓不射角木離測曰膠漆失信不結也

太玄

經第
二格

次八兩兕鬮一角亡不勝喪測曰兩兕鬮亡角喪也

太玄

經第
四遇

初一圓方杙

五勿切

梲

五結切

其內窾換測曰圓方杙梲內

相失也

太玄經第六
闕闕音缺

一源十流天水違行而訟者紛如也

中鑿
時事

人生有所貴尚出門各異情朱紫更相奪色雅鄭異音

聲

曹子建當
事君行

指人之所短遂已之所長以蓋其失猶晉楚帶劔遞相

詭反也

劉邵人物
志體別

苟失其心同衾為違

徐幹
中論

一尺帛可縫而共衣一斗粟可舂而共食况以天下之

廣而不相容也

前漢書註
淮南傳

兄弟相依當如衡軌而今殊跡牽牛有名不堪服車亦

猶有兄弟之名而不得同聚

李善註文選陸士龍荅兄機詩

如彼翰林鳥雙栖一朝隻如彼游川魚比目中路折

文選

潘岳悼亡詩

君如秋日雲妾似突中煙高下理自殊一乖兩絕天

初學

記人部離別註

山立峙各於其所无相順之時猶君在上臣在下恩敬

不與相通

玉海周易鄭康成注

詢詢警警至相烹煑

道德經指歸卷九

譬如有蛇尾語頭言我應在前頭語尾言我恒在前何以卒爾頭果在前其尾纏樹不能得去放尾在前即墮

火坑燒爛而死

百喻經
卷下

昔捕鳥師張羅網於澤上以鳥所食物著其中衆鳥命侶競來食之鳥師引網衆鳥盡墮網中時有一鳥大而多力身舉此網與衆俱飛而去鳥師見影隨而逐之有人謂鳥師曰鳥飛虛空而汝步逐何其愚哉鳥師荅曰不如來告彼鳥日暮要求栖宿進趣不同如是當墮其


人故逐不止日已轉暮仰觀衆鳥翻飛爭競或欲趣東
或欲趣西或望長林或欲赴澗爭競不止須臾便墮鳥
師還得次而殺之

衆經撰雜
譬喻經

石立土踊天地之座贅也山崩地陷天地之癰疽也衝
風暴雨天地之奔氣也雨澤不降川瀆涸竭天地之焦

枯也

法苑珠林
卷六十三



喻林卷四十七

欽定四庫全書

子部
翰林卷四十八

詳校官中書_臣朱文翰

主事_臣祁韻士覆勘

總校官原任中允_臣王燕緒

校對官中書_臣朱烜

謄錄監生_臣曹錫爵

欽定四庫全書

喻林卷四十八

明 徐元太 撰

人事門 四十六

倒置

綠兮衣兮綠兮黃裏。綠兮衣兮綠兮黃裳。詩國風
綠衣

山有扶蘇隰有荷華。叶芳
無反不見子都乃見狂且。山有

喬松隰有游龍不見子充乃見狡童。詩國風山
有扶蘇

舟人之子能罷是裘私人之子百僚是試。詩小雅
大東

隰桑刺幽王也小人在位君子在野

毛詩
隰桑

鷺也鶴也皆以魚為美食者也鷺之性貪惡而今在梁
鶴潔白而反在林幽王養廢姒而餒申后近惡而遠善

鄭氏箋

詩白華

為綠衣兮當先染絲而後製衣是汝婦人之所為汝何
故亂之先製衣而後染使失制度也以興嫡在先而尊
貴妾在後而卑賤是汝賤妾之所為汝何故亂之令妾
在先而尊嫡在後而卑是亂嫡妾之禮失本末之行毛詩

正義
綠衣

間色之綠不當為衣猶不正之妾不宜嬖寵今綠兮乃
為衣兮間色之綠今為衣而見正色之黃反為裏而隱
以興今妾兮乃蒙寵兮不正之妾今蒙寵而顯正嫡夫
人反見疎而微綠衣以邪干正猶妾以賤陵貴

毛詩正
義綠衣

山上有扶蘇之木隰中有荷華之草木生於山草生於
隰高下各得其宜以喻君子在上小人在下亦是其宜
今忽置小人於上位置君子於下位是山隰之不如也

毛詩正義
山有扶蘇

山上有枯槁之松木隰中有放縱之龍草松木雖生高
山而柯條枯槁龍草雖生於下隰而枝葉放縱喻忽之
養臣君子在於上位則不加恩澤小人在於下位則祿
賜豐厚言忽養臣顛倒失其所也

毛詩正義
山有扶蘇

玄文幽處兮矇謂之不章離婁微睇兮瞽以為無明變
白而為黑兮倒上以為下鳳凰在笈兮雞雉翔舞同糅

玉石兮一槩而相量

史記屈
原傳

鸞鳳伏竄兮鷓臬翔翔
開茸尊顯兮讒諛得志
聖賢逆曳兮方正倒植
世謂伯夷貪兮謂盜跖
廉莫邪為頓兮鉛刀為
銛于嗟嘿嘿兮生之無故
幹棄周鼎兮而寶康瓠
騰駕罷牛兮騂蹇驢驥
垂兩耳兮服鹽車章甫
薦屨兮漸不可久

史記賈生傳

子獨不見鷓臬之與鳳凰
翔乎蘭芷兮翦棄於廣野
蒿蕭成林使君子退而不
顯衆公等是也

史記曰者傳

資媼娃之珍鬕兮鬻九戎
而索賴鳳皇翔於蓬階兮
豈

駕鷲之能捷騁驂駟以曲躋兮驢騾連蹇而齊

漢書揚雄傳上

珍蕭艾於重笥兮謂蕙芷之不香斥西施而弗御兮羈

要裊以服箱

後漢書張衡列傳

公卿所舉率黨其私所謂放鴟梟而囚鸞鳳

後漢書劉陶傳

燕石緹襲以華國兮和璞遙棄於南荆夏像韜塵于市

北兮瓶壘抗方於兩楹鸞鳳耿介而偏栖兮蘭桂背時

而獨榮

晉書掣虞傳

倒戈授人必至之禍

宋書胡藩傳

冠履倒錯珪璣莫辨

梁書武帝紀中

墨以為明狐而為蒼以一為二以二為三公不能禁也

子華子晏

子問黨

仁人詘約暴人行矣忠臣危殆讒人服矣璇玉瑤珠不知佩也雜布與錦不知異也閭媼子奢莫之媒也嫫母刁父是之喜也以盲為明以聾為聰以危為安以吉為

凶

荀子賦篇

螭龍為螻蛄鳩泉為鳳凰

荀子賦篇

夫有天賞得為主而未常得主之實此之謂大悲是正

坐於夕室也其所謂正乃不正矣

呂氏春秋明理

夫本末舛逆首尾橫決國制搶攘非有紀也

賈子數寧

披羊裘而賃固其事也貂裘而負籠甚可怪也

淮南子說山訓

鳳鳥不識珍寶泉鷗

孔叢子記問

頭尾顛倒不知緒處

焦氏易林離之井

首陽為拙柱下為工

揚子淵騫

楚國戶服白蒿滿其要帶以為芬芳反為幽蘭臭惡為

不可佩也以言君親愛讒佞憎遠忠直賢良而不宜近

之也

王逸註楚辭離騷經

麋當在山林而在庭中蛟當在深淵而在水涯以言小人宜在山野而陞朝廷賢者當居尊官而為僕隸也

王逸

註楚辭九歌

言世人皆棄崑山之玉大澤之龜反相與重貴小石也

言闇君貴佞偽賤忠直也

王逸註楚辭惜善

言君乃拔去芝草賤棄橘柚種植芋荷養育苦李愛重

小人斥逐君子也

王逸注楚辭七諫

言君放遠要褻英俊之士而駕橐駝任使罷駑鈍朽之

人而棄明賢之士也

王逸注楚辭七諫

言甌甌之器登明堂周鼎反入於深淵之水言小人任

政賢者隱思也

王逸注楚辭七諫

痛鳳兮遠逝仁智之士遁世去也畜鳩兮近處畜養佞

諛而親附也鯨鱓兮幽潛大賢隱匿竄林藪也從蝦兮

遊階小人並進於朝廷也

王逸注楚辭九懷

言葛有正直之枝，柳棄枯槁而不見，采朽壤惡者滿車。

陞進反見珍重，御尊顯以言真正之人棄於山野，佞曲

之臣陞於顯朝也。

王逸注楚辭九懷

言與多力烏獲同車，駢乘令仁賢邵公執役，養馬失其

宜者也。

王逸注楚辭九歎

言甘棠香美之木，枯於草中而不見，御反種蒺藜棘刺

之木，滿於中庭，以言遠仁賢，近讒賊也。

王逸注楚辭九歎

言蔡女美好，反見貶黜而去，離帷幄戎狄醜婦，反入椒

房被五綵繡衣夫人之服也

王逸注楚辭九歎

言葛藟惡草乃緣於桂樹鷓鴣貪鳥而集於木蘭以言

小人進在顯位貪佞升為公卿者也

王逸注楚辭九歎

言西施美好棄於後宮不見進御佻催醜女反倚立徧

兩楹之間侍左右也

王逸注楚辭九歎

言乃藏九鼎於江淮之中反炊土釜於堂宇之上猶言

棄賢智近愚頑者也

王逸注楚辭九歎

言乃破伯牙號鍾所鼓之鳴琴反持凡人小箏急張其

絃而彈之以言世憎惡大賢之言親信小人之語也

王逸

注楚辭
九歎

言退却騏驥以轉物徙重車乘駑頓驢羸反以奔走馳

逐急疾失其性也以言役使賢者令之負擔進用頑愚

以任政職亦失其志也

王逸注楚辭九歎

言鳴鳩鳥輕佻巧利乃棲於桑榆居茂木之上鼓翼而
鳴得其所也此言讒佞弄口妄說以居尊位得志意也

王逸注楚辭九歎

不辨黑白棄玉取石虎羊同羣

武侯十六策陰察

且夫含血氣物之生也行則背在上而腹在下其病若死則背在下而腹在上何則背肉厚而重腹肉薄而輕也賢儒俗吏並在當世有似於此將明道行則俗吏載賢儒賢儒乘俗吏將闇道廢則俗吏乘賢儒賢儒處下位猶物遇害腹在上而背在下也且背法天而腹法地生行得其正故腹背得其位病死失其宜故腹反而在背上非唯腹也凡物仆僵者足又在上賢儒不遇仆廢於

世蹠足之吏皆在其上東方朔曰目不在面而在於足

救昧不給能何見乎

王充論衡
狀留篇

棄此蓀芷襲彼蕭艾

嵇中散集兄秀才
公穆入軍贈詩

夫以玉為石者亦將以石為玉矣以賢為愚者亦將以
愚為賢矣以石為玉未有傷也以愚為賢者亡之診蓋
診亡者雖存而必亡猶脉死者雖生而必死也可勿慎

乎

抱朴子外
篇雜材

背公之俗彌劇正直之道遂壞於是斥鷃因驚風以凌

霄朽舟託迅波而電邁鸞鳳卷六翮於叢棘鷁首滯潢

汗而不擢笑

抱朴子外
篇吳夫

鴛蹇矯首於瑤

多么切

輦駭驥委牧乎林垆

抱朴子外
篇名實

於是鼗鼓戢雷霆之音鞀

徒刀切

鞀

奴切

咨蝶

音高

之響

芳蕙芟夷臭鮑佩御玄皂傾棄而不羞醜酪專灌於圓

丘汗血驅放而垂耳跛蹇馳騁於鑾軒此古人之所以

懷沙負石赴流魚葬而不堪與之同世也

抱朴子外
篇名實

養豺狼而殲驎虞殖枳棘而翦椒桂

抱朴子外
篇漢過

殷雷輶磕於龍潛之月凝霜肅殺乎朱明之運

抱朴子外篇吳

夫

小畜髀

補介切

之反頁

音頡

之趨傳曰髀之反股在上也頁

之趨首在下也

元包仲陽

蘇糞壤以充幃兮謂申椒其不芳

文選屈原離騷經

蟬翼為重千鈞為輕黃鐘毀棄瓦釜雷鳴讒人高張賢

士無名

文選屈原卜居

順帝之末京師謠曰直如弦死道邊曲如鉤反封侯

文選

哀陽源傲白
馬篇詩注

方世俗之幽昏兮眩白黑之美惡故山川之龜玉兮相

與貴夫礫石

補文選賈
誼惜逆

握刮刷而不用兮操規槩而無施騁騏驥於中庭兮馬
能極夫遠道置猿狖于櫺檻兮夫何以責其捷巧駟跛
鼈而上山兮吾固知其不能陞釋管晏而任臧獲兮何
權衡之能稱寬昆路路雜於廢郡蒸兮機逢矢以射革

補文選莊
忌哀時命

伊優北堂上骯髒倚門邊

補文選趙
壹疾邪賦

臬鴟既以成羣兮玄鶴弭翼而屏移蓬艾親入御於牀

第兮馬蘭蹉踣而日加棄捐

廣文選東方
曼倩怨世

西施媿媿而不得見兮嫫母勃屑而日侍桂蠹不知所

淹留焉蓼蟲不知徙乎葵菜

廣文選東方
曼倩怨世

親讒諛而踈賢聖兮訟謂閭媿為醜惡愉近習而蔽遠

兮孰知察其黑白

廣文選東方
曼倩怨世

行明白而曰黑兮荆棘聚而成林江離棄於窮巷兮疾

藜曼乎東廂賢者蔽而不見兮讒諛進而相朋臬鴞並

進而俱鳴兮鳳皇飛而高翔

廣文選東方曼倩怨世

斥逐鴻鵠兮近習鸛臬斬伐橘柚兮列樹苦桃

廣文選東方曼

倩七諫

鸞皇孔鳳日以遠兮畜息駕鸞雞鷲滿堂壇兮鼉鼉游

乎華池要褻奔亡兮騰駕橐駝鉛刀進御兮遙棄太阿

拔搴玄芝兮列樹芋荷橘柚委枯兮苦李旖旎甌甌登

於明堂兮周鼎潛乎深淵

廣文選東方曼倩諫

今反表以為裏兮顛裳以為衣戚宋萬於兩楹兮廢周
邵於遐夷却騏驥以轉運兮騰驢羸以馳逐蔡女黜而
出帷兮戎婦入而綵繡服慶忌囚於阱室兮陳不占戰
而赴圍破伯牙之號鍾兮挾人箏而彈緯藏瑁石於金
匱兮捐赤瑾於中庭韓信蒙於介冑兮行夫將而攻成
莞芎棄於澤洲兮炮礪蠹於筐篋麒麟奔於九臯兮熊
羆羣而逸圓折芳枝與瑠華兮樹枳棘與薪柴掘荃蕙
與射干兮耘藜藿與蘘荷

廣文選劉
子政憂告

傷明珠之赴泥兮魚眼璣之堅藏同鴛羸與乘馭兮雜
班駁與闌茸葛藟蘘於桂樹兮鷓鴣集于木蘭偃促談
於廊廟兮律魁放乎山間惡虞氏之簫韶兮好遺風之
激楚潛周鼎於江淮兮爨土鷲於中宇

廣文選劉
子政惜賢

播規槩以背度兮錯權衡而任意操繩墨而放棄兮傾
容幸而侍側甘棠枯於豐草兮藜棘樹於中庭西施斥
於北宮兮化惟倚於彌楹烏獲戚而駭乘兮燕公操於
馬圍蒯賸登於清府兮咎繇棄於壘外

廣文選劉
子政愍命

苑靡蕪與菌若兮漸藁本於滂瀆淹芳芷於腐井兮棄
難駭於筐篋執棠谿以刺蓬兮秉干將以割肉筐澤瀉

以豹鞞兮破荆和以繼築

廣文選劉子政靈懷

載約屨而正朝服兮降皮弁以為履寶礫石於廟堂兮

面隋和而不眠

廣文選劉子駿遠初賦

款冬而生兮凋彼葉柯瓦礫進寶兮捐棄隋和鉛刀厲
御兮頓棄太阿驥垂兩耳兮中坂蹉跎蹇驢服駕兮無
用日多修潔處幽兮貴寵沙崩鳳皇不翔兮鷓鴣飛揚

廣文選王

子淵陶壘

指正義兮為曲訛璧玉兮為石鶻鵬遊兮華屋鷄鷄棲

兮柴簇

廣文選王
叔師遭厄

菽藟兮蔓衍芳藟兮挫枯朱紫兮雜亂曾莫兮別諸

選王叔
師怨上

廣文

貪枉兮黨比貞良兮覽獨鵠竄兮積棘羈集兮帷幄薊

藜兮青葱藁本兮萎落

廣文選王
叔師憫士

茅綵兮同綵冠屨兮共約督萬兮侍宴周邵兮負芻白

龍兮見射霧龜兮執拘

廣文選王叔師悼亂

寶彼兮沙礫捐此兮夜光椒瑛兮涅汙藁耳兮充房

楚辭

王逸傷時

鸞鳥鳳皇日以遠兮燕雀烏鵲巢堂壇兮露申辛夷死

林薄兮腥臊並御芳不得薄兮

楚辭屈原惜誦

痛鳳兮遠逝畜鳩兮近處鯨鱓兮幽潛從蝦兮遊階

楚辭

王褒匡機

董荼茂兮敷疏蘅芷彫兮瑩媿

楚辭王逸悼亂

穢孟孟之周用令瑚璉以抗閣恨騾驢之進庭屏騏驎

於溝壑

藝文類聚人部言志賦

鸛鳩軒翥鸞鳳挫翮啄碎琬琰寶其瓠甌

藝文類聚禮部弔文

淳于髡至鄰家見其竈突之直而積薪在傍謂曰此且

有火使為曲突而徙薪鄰家不聽後果焚其屋鄰家救

火乃滅烹羊具酒謝救火者不肯呼髡智士譏之曰曲

突徙薪無恩澤焦頭爛額為上客蓋傷其賤本而貴末

也

藝文類聚火部竈

俚語云州縣符如霹靂得詔書但以掛壁

太平御覽
天部霹靂

二至改度乖錯委曲隆冬大暑盛夏霜雪

參同
契

猶如有人濟海求寶不取真珠直取金精亦如有人棄
妙音聲而聽惡響如捨正室而愛婢妾如捨金器而取
瓦盂如棄甘露法味而食惡毒食如捨善男子而親諸
惡友如棄良醫而信巫鬼如捨元始天尊甘露法食而

服魔怨種種惡味

元陽妙
經卷八

如有貧人得無價寶棄而翻取迦遮末尼

波羅蜜多經
卷四百四十

如有飢人得百味食棄而求噉稊稗等飯

波羅蜜多經卷四百四十

譬如愚人捨月禮事星宿

大寶積經卷一百一十二

惑亂

上九睽孤見豕負塗載鬼一車先張之弧後說之弧匪寇婚媾往遇雨則吉

易睽

蓼蓼然長大者正是我也而不精審視之以為非我反

謂之維高

毛詩正義蓼

如當路築室得人而與之謀所為路人之意不同故不

得遂成也

鄭氏箋
詩小曼

譬欲秦而更楚假南路於東尋

北齊書文苑
顏之推傳

適鄢郢而迷塗入邯鄲而失步

隋書王貞
文學傳

惑者狂者木石之撲也而道義未戴馬

晏子春
秋問下

秦人逢氏有子少而惠及壯而有迷罔之疾聞歌以為

哭視白以為黑饗香以為朽嘗甘以為苦行非以為是

意之所之天地四方水火寒暑無不倒錯者焉其父之

魯過陳遇老聃因告其子之證老聃曰汝庸知汝子之

迷乎今天下之人皆惑於是非昏於利害同疾者多固莫有覺者且一身之迷不足傾一家一家之迷不足傾一鄉一鄉之迷不足傾一國一國之迷不足傾天下天下盡迷孰傾之哉向使天下之人其心盡如汝子汝則反迷矣哀樂聲色臭味是非孰能正之且吾之言未必非迷而况魯之君子迷之郵者焉能解人之迷哉

列子周
穆王

三人行而一人惑所適者猶可致也惑者少也二人惑則勞而不至惑者勝也而今也以天下惑予雖有祈嚮

不可得也

莊子
天地

水動而影搖人不以定美惡水勢玄也瞽者仰視而不

見星辰不以定有無用精惑也

荀子
解蔽

冥冥而行者見寢石以為伏虎也見植木以為後人也

冥冥蔽其明也醉者越百步之溝以為踴步之澮也俯

而出城門以為小之閨也酒亂其神也厭目而視者視

一為兩掩耳而聽者聽漠漠以為洶洶勢亂其官也

荀子

解蔽

齊景公游少海傳騎從中來謁曰嬰疾甚且死恐公後之景公遽起傳騎又至景公曰趨駕煩且之乘使騶子韓樞御之行數百步以騶為不疾奪轡代之御可數百步以馬為不進盡釋車而走以煩且之良而騶子韓樞之巧而以為不如下走也

韓非子外儲說左

毀譽成黨衆口熏天賢不肖不分以此治國賢主猶惑之也又况乎不肖者乎

呂氏春秋離謂

鄰父有與人鄰者有枯梧樹其鄰之父言梧樹之不善

也鄰人遽伐之鄰父因請而以為薪其人不說曰鄰者
若此其險也豈可為之鄰哉此有所宥也夫請以為薪
與弗請此不可以疑枯樹之善與不善也齊人有欲得
金者清旦被衣冠往鬻金者之所見人操金攫而奪之
吏搏而束縛之問曰人皆在焉子攫人之金何故對吏
曰殊不見人徒見金耳此真大有所宥也夫人有所宥
者固以晝為昏以白為黑以堯為桀宥之為敗亦大矣

呂氏春
秋去宥

夫衆口之毀譽浮石沈木羣邪所抑以直為曲視之不
察以白為黑夫曲直之異形白黑之異色乃天下之易
見也然自謬也或不能分明其是非者衆邪誤之矣

陸子

辨
惑

事之適亂如地形之惑人也機漸而往俄而東西易面
人不自知也故墨子見衢路而哭之悲一跬而繆千里

也

賈子新
書審微

今陳卒設兵兩軍相當將施令曰斬首拜爵而屈撓者

要斬然而隊階之卒皆不能前遂斬首之功而後被要
斬之罪是去恐死而就必死也故利害之反禍福之接
不可不審也事或欲之適足以失之或避之適足以就
之楚人有乘船而遇大風者波至而自投於水非不貪
生而畏死也惑於恐死而反忘生也故人之嗜慾亦猶

此也

淮南子
記論訓

北楚有任俠者其子孫數諫而止之不聽也縣有賊大
搜其廬事果發覺夜驚而走追道及之其所施德者皆

為之戰得免而遂反語其子曰汝數止吾為俠今有難
果賴而免身而諫我不可用也知所以免於難而不知
所以無難論事如此豈不惑哉宋人有嫁子者告其子
曰嫁未必成也有如出不可不私藏私藏而富其於以
復嫁易其子聽父之計竊而藏之若公知其盜也逐而
去之其父不自非也而反得其計知為出藏財而不知
藏財所以出也為論如此豈不悖哉今夫僦載者救一
車之任極一牛之力為軸之折也有加轅軸其上以為

造不知軸轅之趣軸折也楚王之珮玦而逐兔為走而破其玦也因珮兩玦以為之豫兩玦相觸破乃逾疾亂

國之治有似於此

淮南子
汜論訓

故通於道者如車軸不運於已而與轂致千里轉無窮之原也不通於道者若迷惑告以東西南北所居聆聆一曲而辟然忽不得復迷惑也故終身隸於人辟若覩

之見風也無須臾之間定矣

淮南子
齊俗訓

窮鄉多曲學小辯害大知巧言使信廢小惠妨大義

說苑

談
叢

言周家建立德化其道平直公方所履無失而言無穢
傾危者心惑意異也以平直為傾危則以忠正為邪枉

也

王逸註楚辭七諫

言世人愚惑惡虞舜蕭韶之樂反好俗人淫泆激楚之
音猶惡典謨忠正之言而好諂諛之說也

王逸註楚辭九歎

道陟多阪胡言連蹇譯瘖且聾莫使道通

焦氏易林乾之乾

三癡俱走迷路失道惑不知歸反入患口

焦氏易林乾之晉

二人異趣反覆迷惑一身五心亂無所得

焦氏易林
坤之賁

癡狂妄作心誑善惑迷行失路不知南北

焦氏易林
屯之小過

三癡且狂欲之平鄉迷惑失道不知昏明

焦氏易林
大有之遯

客指東西未得便安

焦氏易林
豫之離

鼻目易處不知香臭

焦氏易林
隨之乾

一身三口語無所主東西南北迷惑失道

焦氏易林
咸之離

心西意東事無成功

焦氏易林
晉之家人

次八迷目達腹測曰迷目達腹外感其內也

太玄經
第二達

次二迷腹達目測曰迷腹達目以道不明也

太玄經
第二達

不智之人辯慧懷給不知所裁之猶棄驥而惑不知所

詣也

淮南子王
術訓解

夫尋常咫尺之近理人間取舍之細事沈浮過於金羽

皂白分於粉墨而抱惑之士猶多不辨焉

抱朴子內
篇微旨

或奔車走馬赴阬谷而不憚以九折之阪為蟻封或登

危躅顛雖墮墜而不覺以呂梁之淵為牛跡也

抱朴子外
篇酒誠

視泰山如彈丸見滄海如盤盂

抱朴子外
篇酒誠

疾美而無直亮之鍼艾羣惑而無指南以自反

抱朴子外篇疾

諤

以二缶鍾惑而所適不得者言各自信據故不知所之

郭子注
莊天地

今指犬似人轉白似黑則不類矣轉以類推以此象彼

謂犬似獲獲似狙狙似人則犬似人矣謂白似緗緗似

黃黃似朱朱似紫紫似紺紺似黑則白成黑矣

劉子審名

海濱居者望島如舟望舟如鳧而須舟者不造島射鳧

者不向舟知是望遠目亂而心惑也山底行者望嶺樹如簪視岫虎如犬而求簪者不上樹求犬者不往呼知

是望高目亂而心惑也

劉子正賞

白黑相渝能無微乎是非相擾能無散乎

文中子天地

臣猶吳牛見月而喘

世說新語言語

堯舜之智桀紂以為不智堯舜以為智惡知堯舜之非

桀紂桀紂之非堯舜乎

藝文類聚人部智

良御惑燕楚妙察亂溷淄

藝文類聚樂部論樂詩

今有疑者所謂蚌異蛤二五為非十也

太平御覽文部著書下

傾耳求音不聞霆擊澄神密眠豈覲山高

初學記服食部酒

同昧其本而競談其末猶未識辰緯而意斷南北羣迷

暗爭失得無準

何氏語林文學

如盲人自無所見引人路途轉轉迷惑而不知覺

三十六部

尊經黃

林經

如盲不見道進尺不知寸雖有四衢路隨意任奔馳

海空

智藏經問
病品偈

譬如有人行路拾得遺篋開篋視鏡自見其影謂是篋主心地惶怖稽首而謝棄之而去衆生迷惑捨真取偽

棄本尋末亦復如是

无上内秘藏
經辨四真品

身口意業有四種惑何等為四一者貪惑二者癡惑三者淫惑四者嘖嗃惑所謂嘖嗃惑者詐言道術無真實

相

元陽妙
經卷五

譬如道士觀不淨時見所著衣服悉是皮相而實非皮所可食噉皆作蟲相而實非蟲觀好美嘆作糞穢汁相

而實非糞穢觀所食乳酪猶如髓腦而實非髓腦觀骨

碎秣猶如粉相而實非粉

元陽妙經卷五

譬如人醉其心眩亂視諸山川城郭宮殿日月星辰皆

悉迴轉

元陽妙經卷十

譬如有人欲見大海既至海岨返觀牛跡作是念言大

海中水淺深多少豈及此耶

波羅蜜多經卷三百二

如有工匠欲造大殿如天帝釋殊勝殿量見彼殿已而

返揆摸日月宮殿

波羅蜜多經卷三百三

如彼渴人愚癡無智為熱所逼見動陽焰於無水中妄

生水想

波羅蜜多經卷
三百九十九

譬如見焰而生水想實無有水以眼亂故

文殊師利
問經卷上

譬如盛日舒光燭地氣蒸飄動猶如水流渴獸迷惑向

之奔走

大乘密嚴
經卷下

譬如有人聞俱耆羅聲又見其形尋復見鳥而生迷惑
作是說言俱耆羅俱耆羅汝等如是非法為法守護非

法如彼見鳥謂俱耆羅

鶖崛摩羅
經卷三

譬如有愚夫見電生妄想謂是琉璃珠取已執持歸置之瓶子中守護如真實不久悉融消空想默然住於餘

真琉璃亦復作空想

為囉摩羅經卷三

如有士夫度大曠野聞合羣鳥鳴時彼士大夫畏是鳥聲謂有劫賊異道而去入空澤中至虎狼處為虎所食

大法鼓經卷下

如遊曠野指東謂為西

中陰經卷下

譬如夏熱或有賈客失眾伴輩獨在後行上無傘蓋足

下無履體面汗出脣口焦乾熱炙身軀張口吐舌劣極甚渴四顧望視其心迷惑遙見野馬意謂是水謂為不遠盡力馳走趣於野馬身劣益渴遂更困頓日轉晚暮時向欲涼不見野馬無有此水心既覺之是熱盛炎之所作耳修行自念吾本亦然渴於情欲追之不息著終始愛還自焦然迷為疑想癡網所蓋野馬見惑吾從久遠儻有是心貪著于我

修行道地
經行空品

昔有愚人其婦端正情甚愛重婦無貞信後於中間共

他交往邪姪心盛欲就傍夫捨離已壻於是密語一老
母言我去之後汝可賣一死婦女屍安著屋中語我夫
言云我已死老母於後伺其夫主不在之時以一死屍
置其家中及其夫還老母語言汝婦已死夫即往視信
是已婦哀哭懊惱火積薪油燒取其骨以囊盛之晝夜
懷挾婦於後時心厭傍夫便還歸家語其夫言我是汝
妻夫荅之言我婦久死汝是阿誰妄言我婦乃至二三
猶故不信如彼外道聞他邪說心生惑著謂為真實永

不可改雖聞正教不信受持

百喻經
卷上

昔乾陀衛國有諸伎人因時飢儉逐食他土經婆羅新
山而此山中素饒惡鬼食人羅刹時諸伎人會宿山中
山中風寒然火而卧伎人之中有患寒者著彼戲衣羅
刹之服向火而坐時行伴中從睡寤者卒見火邊有一
羅刹竟不諦觀捨之而走遂相驚動一切伴侶悉皆逃
奔時彼伴中著羅刹衣者亦復尋逐奔馳絕走諸同行
者見其在後謂欲加害倍增惶怖越度山河投赴溝壑

身體傷破疲極委頓乃至天明方知非鬼

百喻經
卷下

譬如無目人得蛇以為瓔珞有目人語是蛇非是瓔珞

大智度論

卷七十

如人闇中見似人物謂是實人而生畏怖又如惡狗臨井自吠其影水中無狗但有其相而生惡心投井而死

大智度論

卷八十九

如人目翳視清淨珠見其目影便謂珠不淨

大智度論
卷九十五

譬如衆生盲人彼未曾見象為彼盲人將示象諸生盲

者或捉象鼻或牙或耳或足或尾或背彼示已問象何
相或說言如犁轅或言如杵或言如簸箕或言如碓臼
或言如茗帚或言如石山如是不通達

攝大乘
論卷四

可謂指蟲迹為蒼文餌螫乳為醍醐良可哀也

弘明集
折夷夏

論

夫導師失路則迷塗者衆

弘明集雜
夷夏論

致令雪山採藥爭取毒草深水求珠競持瓦礫

辨正論
卷一

喻林卷四十八